

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 494709 25 St  
Tuzla, 26.11.2025. godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, dana 26.11.2025.godine donio je

## **R J E Š E N J E**

**POKREĆE SE PRETHODNI POSTUPAK** radi utvrđivanja uslova za otvaranje stečajnog postupka nad imovinom dužnika "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, MBS: 32-01-0248-15, JIB: 4210215040002.

**Za privremenog stečajnog upravnika imenuje se Merlina Imamović iz Lukavca, ul. Braće Zaimovića broj 26, Puračić.**

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu, kao i Službi za geodetske i imovinsko-pravne poslove grada Gradačac, radi upisa zabilježbe otvaranja prethodnog stečajnog postupka.

### **O b r a z l o ž e n j e**

Predlagač "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, kao stečajni dužnik podnio je dana 03.10.2025.godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Na ročište za saslušanje stečajnog dužnika pristupio je punomoćnik predlagača, Amir V. Mešić. advokat iz Tuzle te naveo da ostaje kod prijedloga za otvaranje stečajnog postupka, a kao razlog ističe platežnu nesposobnost i nemogućnost izvršavanja dospjelih i potraživanih obaveza plaćanja u dužem vremenskom periodu, te je društvo prestalo sa radom Odlukom osnivača o prestanku poslovanja broj 01-01/25 od 30.09.2025. godine utvrđen prestanak za navedeni pravni subjekt, a utvrđen je prestanak rada društva rješenjem Općinskog suda u Tuzli broj: 032-Reg-024-001881 od 05.12.2024. godine. Osnovna djelatnost društva je bila proizvodnja obuće. Račun društva je bio otvoren kod: MF banke a.d. Banja Luka i isti je blokiran dana 22.08.2022. godine, a što sve proizilazi iz dopisa Centralne banke BiH odnosno Izvještaja o računima poslovnog subjekta na dan 02.10.2025. godine. Punomoćnik predlagača nadalje izjavi: da navedeni privredni subjekt nije upisan kao posjednik nekretnina u katastarskom operatu, niti kao vlasnik nekretnina u Zemljišnim knjigama. Društvo nema zaposlenika, a da nema aktivnih sudskih sporova pokrenutih protiv društva. Društvo ima obaveze prema Poreznoj upravi FBIH u utvrđenom iznosu od 360.574,76 KM, kao i prema UIO BiH, RC Tuzla u utvrđenom iznosu 19.731,78 KM. Privredno društvo ima u toku sudske sporove, kao i obaveze prema dobavljačima u neutvrđenom iznosu. Društvo nema poslovnice, te da predlaže da sud odredi predujam za pokretanje prethodnog, a kasnije i stečajnog postupka.

Stečajni sudija nakon što je utvrdio da je prijedlog za pokretanje stečajnog postupka podnesen od strane predlagača i da je isti dopušten u smislu odredbe člana 58. stav 2. i 13. Zakona o stečaju postupku, rješenjem od 13.11.2025.godine naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je sudu 19.11.2025.godine dostavio dokaz o uplati predujma za finansiranje troškova prethodnog stečajnog postupka u iznosu od 3.000,00 KM.

Imajući u vidu dostavljenu dokumentaciju i to: Prijedlog za pokretanje stečajnog postupka od 03.10.2025.godine, Odluka o prestanku poslovanja broj: 01-01/25 od 30.09.2025. godine, Odluka o pokretanju stečajnog postupka broj: 01-02/25 od 30.09.2025. godine, Bilans stanja na dan 30.09.31.12.2024. godine, Bilans uspjeha za period od 01.01.2024. godine do 31.12.2024. godine, Bilans uspjeha za period od 01.01.2025. godine do 30.09.2025. godine, Aktuelni izvod iz sudskog registra Općinskog suda u Tuzli od 15.09.2025. godine, Uvjerjenje Porezne uprave FBIH, KPU Gradačac o izmirenim/neizmirenim obavezama po osnovu javnih prihoda – poreza broj: 13-3/5-12-5-5580/25-S.H. od 23.10.2025. godine, Uvjerjenje Uprave za indirektno oporezivanje BIH, RC Tuzla o izmirenim indirektnim porezima ili stanju dugovanih obaveza po osnovu PDV-a broj: 02/6/IV-16-11-21-8896-2/25 od 27.10.2025. godine, Izvještaj o računima poslovnog subjekta Centralne banke za predmetni privredni subjekt na dan 02.10.2025. godine

i izjavu punomoćnika predlagača na ročištu za saslušanje, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

**SUDIJA**  
**Antonela Đaković**

**POUKA O PRAVNOM LIJEKU:** Protiv ovog rješenja dozvoljena je žalba u roku od 8 (osam) dana, računajući od dana objavljivanja u Službenim novinama FBiH. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.